

Heinz Brand daventass gugent il pli aut Svizzer

L'emna proxima nominescha la fracziun in candidat

CUN HEINZ BRAND HA DISCURRÌ
CLAUDIA CADRUVI / ANR

■ **Il mardi tscherna la fracziun da la pps ses candidat per il vicepresidente dal cussegl naziunal. Quatter umens avessan mustgas sin il post – era Heinz Brand.** Sche la fracziun metta si el èn las schanzas bunas ch'ìl Grischun tschenta il 2021 il pli aut Svizzer. Sper Brand sa mettan a disposiziun anc *Pierre-André Page* (FR), *David Zuberbühler* (AR) ed *Andreas Aebi* (BE).

Tge chaztga Vos vi da quest post?

Heinz Brand: I ma plaschess en emprima lingia da surpigliar in pensum da timunar, ma i fiss era bel da pudair metter il Grischun in pau en il center sco president dal cussegl naziunal.

Il socialdemocrat Martin Bundi è stà l'ultim Grischun sin quest post.

Gea, igl è gia passa trent'onns ch'ìl Grischun ha pudì metter in president dal cussegl naziunal. Da preschent avain nus gist trais giadas in suenter l'auter politichers da la Romandia e dal Tessin ch'occupeschon il post. Uss pon ins pia puspè ina giada eleger insatgi da lingua tudestga.

Sche la fracziun nominescha Vos e sch'ìl cussegl naziunal elegia Vos en la sessiun d'enviern sco vicepresidente daventassas Vos il 2021 cartavlamain president. Vos fissas il pli aut Svizzer. Igl è in uffizi da prestige.

Gea, quai è uschia. Igl è er in uffizi pretensius. Ins sto timunar

l'assemblea federala, ma ins ha era da represchentar la Svizra anoravers. Ins represchenta ina democrazia visavi blers auters pajais cun furmas statalas multi-faras ed ins po explitgar las atgnadads e spezialitads da noss pajais. I sa tracta dad in'incumbenza captivanta.

Ma pussanza politica n'han ins atgnamain nagina.

Na, quai ston ins sa chapescha vesair realistic. Ins numna il president «il pli aut Svizzer» pervi da las circumstanzas instituziunalas. Jau mez ma sentiss cun quest post sa chapescha exact tuttina e sco mintga burgais normal. Tenor la lescha han ins cun l'uffizi simplamain tschertas funcziuns ch'ins sto u dastga ademplir.

Vos avessas bleras obligaziuns, fissas savens davent e sin viadi. Tge din Vossa famiglia e Vossa dunna?

Bun, mia figlia è daditg sgulada or e mia dunna va proximamain en pensium. Ella ha pia er anc plans e finamiras. E tschertas chausas pon ins sco president dal cussegl naziunal gea era far ensem cun la dunna. En gliez senn fissi gist ina constellaziun ideala.

Vos essas dapi set onns en il cussegl naziunal ed avais pudì observar plirs presidents u presidentas. Tgenins han plaschè a Vos il meglier?

Per l'ina *Ruedi Lustenberger* (pcd/LU) e per l'autra *Hansjörg Walter* (pps/TG). Els han accumpilì la funcziun a moda ruassaivla, ponderada, cun umor ed èn magari stads severs sch'i ha fatg da basegn. Els han manà fitg bain il cussegl ed han represchentà anoravers la Svizra cun ina senioritad persavdenta.



Daventa Heinz Brand il pli aut Svizzer?

FOTO O. ITEM